



Fylkesmannen i Hordaland
Kommunal- og samfunnsplanavd.
Postboks 7310
5020 BERGEN

Referanser:
Dykkar:
Vår: 17/664 - 17/24084

Saksbehandlar:
Tore Johan Erstad
tore.johan.erstad@meland.kommune.no

Dato:
14.12.2017

GBNR 23/4 - Etablering av offentlig parkeringsplass - Kommentarar frå Meland kommune

Vi viser til brev frå Fylkesmannen i Hordaland motteke 23.11.2017.

I e-post av 22.11.2017 frå Jarle Hvidsten (klagar) blir det teke opp tidlegare og nye merknader knytt til parkeringsplassen. Nabomerknadene og klagen gjekk i hovudsak på trong for trafikksikringstiltak, medan siste epost frå klagar tilsynelatande òg gjeld sjølve arealbruken.

Bygningsstyresmakta sine kommentarar knytt til arealbruk og saksbehandling:

Arealbruken har heile tida vore vurdert å vere i samsvar med reguleringsplanen for området. Det er feil at det er gitt dispensasjon frå arealformålet i plan for parkeringsplassen. Det blir vist til opplysningane om plan- og lovgrunnlag i det påklaga vedtak.

Påstandane om at kommunen bevisst har unnlate å vurdere merknadene frå klagar blir tilbakevist. Som opplyst gjennom klagebehandlinga skuldast det ein feil at nabomerknadene frå klagar ikkje blei vurdert før i klageomgangen. Denne saka er eit godt døme på at korkje Meland kommune eller forvaltninga generelt har noko å tene på å ikkje følgje saksbehandlingsreglane i forvaltningslova, nettopp fordi feil ofte inneber ein bruk av ressursar som kunne vore unngått.

Når det gjeld påstanden om manglande nøytralitet, blir dette òg tilbakevist. Bakgrunnen for å ta opp spørsmålet om klagar ville trekke klagen, var at trafikksikringstiltak blei gjennomgått og vurdert i samband med synfaring. Korrespondanse i samband med synfaring mellom kommunen som tiltakshavar, kommunen som bygningsstyresmakt og klagar, blir vedlagt som dokumentasjon. Slike avklaringar er det ikkje uvanleg at bygningsstyresmaktene gjer.

Tiltakshavar sine kommentarar knytt til utforming av tiltaket:

Vegkrysset er prosjektert av ansvarleg søkjar Norconsult AS, og utført i samsvar med godkjente plan- og profildeikningar, sjå vedlegg.

På bakgrunn av førespurnaden frå Fylkesmannen har kommunen innhenta ei vurdering av plassering og utforming av avkjørsla opp mot trafikktryggleik og krav stilt i Statens vegvesen sine handbøker, sjå vedlagt rapport datert 07.12.2017.

Avslutningsvis opplyser kommunen at fortau på strekninga mellom Badevika og parkeringsplassen er fremma frå administrasjonen som eit investeringstiltak på budsjettet, med sikte på prosjektering (grunnerverv mv) i 2018 og gjennomføring i 2019. Kommunestyret godkjente investeringsprosjektet i møte 13.12.2017.

Med helsing

Anny Bastesen
sektorsjef teknisk

Tore Johan Erstad
Juridisk rådgjevar

Dokumentet er elektronisk godkjent og har difor ingen signatur.

Vedlegg:

GBNR 234 - Klage på tillatelse til etablering av parkeringsplass - Oppfølging etter synfaring (L)(339673)

Opprettheld klage (L)(342900)

Kart

Kart

Vurdering kryss Parkering